



<b>DIREKTOR DRUŠTVA</b>	Strana: 1 od 2
Broj protokola: 05-1-25-1-1742-7/22	JAVNO

**Datum:** 19.04.2022. god.

Na osnovu člana 69. stav (3), a u vezi sa članom 70. Zakona o javnim nabavkama („Službeni glasnik BiH“, broj 39/14), na osnovu člana 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, te člana 48. Statuta J.P. Međunarodni aerodrom "SARAJEVO" d.o.o. Sarajevo, u postupku nabavke robe: Nadogradnja postojećih metal detektorskih vrata (WTMD) proizvođača CEIA na EU/ECAC – STD2, Uprava J.P. Međunarodni aerodrom "SARAJEVO" d.o.o. Sarajevo, postupajući u skladu sa članom 6. Poslovnika o radu Uprave, dana 19.04.2022. god., donosi

## ODLUKU

### I

PONIŠTAVA SE postupak nabavke robe: Nadogradnja postojećih metal detektorskih vrata (WTMD) proizvođača CEIA na EU/ECAC – STD2, pokrenut metodom nabavke Pregovarački postupak bez objavljivanja obavještenja o nabavci u Službenom glasniku BiH, zbog nastupa okolnosti koju u vrijeme pokretanja postupka predmetne javne nabavke nije bilo moguće predvidjeti.

### II

Naručilac će, nakon proteka rokova za reviziju, pokrenuti postupak nabavke novih odnosno nadogradnje postojećih metal detektorskih vrata iz tačke I ove odluke.

### III

Ova Odluka stupa na snagu danom donošenja.

## Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Nadogradnja postojećih metal detektorskih vrata (WTMD) proizvođača CEIA na EU/ECAC – STD2, i to metodom nabavke Pregovarački postupak, bez objavljivanja obavještenja o nabavci na portalu javnih nabavki, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 05-1-25-1-1742-3/22 od 29.03.2022. god., a Rješenjem broj: 05-1-25-1-1742-5/22 od 07.04.2022. god., imenovao Komisiju za provođenje postupka nabavke.

Nakon imenovanja Komisije za provođenje postupka predmetne nabavke, i određivanja krajnjeg roka za dostavu ponuda, odnosno termina otvaranja ponude, Naručilac je uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore na adresu ponuđača AGENCIJA ZA TEHNIČKU I FIZIČKU ZAŠTITU "MIDDLE POINT ELECTRONICS" d.o.o. SARAJEVO. Radi se o dobavljaču koji je jedini ovlašten za nadogradnju postojećih metal detektorskih vrata (WTMD) proizvođača CEIA na EU/ECAC – STD2.

Međutim, po upućivanju predmetnog poziva, nastupile su nove okolnosti od značaja za donošenje odluke o poništenju ovog postupka javne nabavke koje dotad nije bilo moguće predvidjeti, a koje su istovremeno van kontrole ugovornog organa.

Naime, Sektor sigurnosti i zaštite je dana 18.04.2022. god. dopisom broj: 04-25-1-1742-6/22 obavijestio stručne službe da je Granična policija BiH naknadno obavijestila ugovorni organ da postojeći broj metal detektorskih vrata (čak i u slučaju njihove nadogradnje) neće biti dovoljan za vršenje opsluge broja putnika očekivanog u narednom periodu. S obzirom da je osiguranje dovoljnog broja metal detektorskih vrata od ključnog značaja za nesmetano obavljanje osnovne

Vrsta dok.	Izdavač
<b>ODL</b>	<b>01-3</b>
Strana: 2 od 2	
JAVNO	

djelatnosti ugovornog organa uz primjenu najviših standarda sigurnosti, hitno je izvršena ponovna evaluacija potrebe za provođenjem ovog postupka javne nabavke na način kako je prvobitno postavljen.


Tom prilikom je utvrđeno da iznos sredstava planiran za nabavku ove robe neće biti dostatan za istovremeno obavljanje nadogradnje postojećih uz nabavku dodatnih neophodnih metal detektorskih vrata. U cilju prevazilaženja ovog problema, ocijenjeno je neophodnim dio sredstava (prvobitno planiranih za nadogradnju ukupno 6 kom metal detektorskih vrata) sada koristiti za nabavku dodatnih metal detektorskih vrata (2 kom), a preostali dio za nadogradnju dijela postojećih metal detektorskih vrata (umjesto prvobitno planiranih 6 kom, bila bi izvršena nadogradnja 4 kom MDV).

Provođenjem ove nabavke na prethodno navedeni način, ugovorni organ bi mogao zadovoljiti zahtjeve Granične policije BiH, odnosno ispuniti sve tražene sigurnosne standarde uz istovremeno osiguranje nesmetanog obavljanja osnovne djelatnosti.

U takvim pravnim i činjeničnim okolnostima, Uprava Društva je postupajući u skladu sa članom 69. stav (3) Zakona o javnim nabavkama ocijenila da su se ispunili uslovi za poništenje postupka nabavke predmetne robe, te je donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

**DIREKTOR**  
Alan Bajić



**DOSTAVLJENO:**

1. Upravi Društva
2. Ponuđaču
3. Sektoru za administrativnu podršku
4. Sektoru sigurnosti i zaštite
5. a/a